

摛藻堂四庫全書薈要

集部

欽定四庫全書
欽定全唐詩卷五百八十七

集部

御

定全唐詩卷五百八十七

李頻

李頻字德新睦州壽昌人少秀悟逮長廬西山多所記覽其屬辭於詩尤長給事中姚合名為詩士多歸重頻走千里丐其品合大加獎挹以女妻之大中八年擢進士第調秘書郎為南陵主簿判入等再遷武功令俄擢侍御史守法不阿徇遷累都官員外郎表丐建州刺史

以禮法治下建賴以安卒官父老為立廟黎山歲祠之
有建州刺史集一卷又號黎岳集今編為三卷

湘口送友人

中流欲暮見湘煙葦岸無窮接楚田

一作天

去雁遠衝雲

夢雪

一作澤

離人獨上洞庭船風波盡日依山轉星漢通

霄向水連零落梅花過殘臘

一作回首葉君偏有我

故園歸醉及

一作去醉新年

鄂州頭陀寺上方

高寺上方無不見天涯行客思迢迢西江帆挂一作過東

風急夏口城銜

一作銜

楚塞遙沙渚漁歸多濕網桑林蠶

後盡空條感時歎物尋僧話

一作語

惟一作誰

向禪心得寂

寥

寄遠

槐欲成陰分袂時君期十日復金扉槐今落葉已將盡

君向遠鄉

一作方

猶未歸化石早曾聞節婦沈湘何必獨

靈妃須知此意同生死不學他人空寄衣

題張司馬別墅

庭前樹盡手中裁先後花分幾番開巢鳥戀雛驚不起
野人思酒去還來自拋官與青山近誰訏一作
料身為白

髮一作
日催門外尋常行樂處重重履跡在莓苔

長安即事

長遇豪家不敢過此身誰與取高科故園久絕書來後
南國空看雁去多中夜永懷聽疊漏先秋歸夢涉層波
愁人白髮自生早我獨少年能幾何

漢上逢同年崔八

去歲曾

一作同

遊帝里春杏花開過各離秦偶先託質逢

知己獨未還家作旅人世上路岐何繚繞空中光景自

逡巡一回相見一回別能

一作更

得幾時

一作迴

年少身

五月一日蒙替本官不得隨例入闈感懷獻送

相公

五月傾朝謁紫宸一朝無分在清塵含香已去星郎位
衣錦惟思婺女隣折獄也曾為俗吏勸農元本是耕人

知將何事酬公道只養生靈似養身

春閨怨

紅妝女兒

一作粉
兒女

燈下羞畫眉夫婿隴西頭自怨愁容

長照鏡悔教征戍覓封侯

送邊將

防秋戎馬恐來奔詔發將軍出雁門遙領短兵登隴首
獨橫長劍向河源悠揚落日黃雲動蒼莽陰風白草翻
若縱干戈更深入應聞收得到崑崙

太和公主還宮

天驕發使犯邊塵漢將推功遂奪親離亂應無初去貌
死生難有却回身禁花半老曾攀樹宮女多非舊識人
重上鳳樓追故事幾多愁思向青春

將赴黔州先寄本府中丞

八月瞿塘到底翻孤舟上得已銷魂幕中職罷猶趨府
闕下官成未謝恩丹嶂聳空無過鳥青林覆水有垂猿
感知肺腑終難說從此辭歸便掃門

和友人下第北遊感懷

聖代為儒可致身誰知又別五陵春青門獨出一作空步

歸鳥紫陌相逢盡醉人江島去尋垂釣遠塞山來見舉頭頗且須共渡邊城酒何必陶家有白綸

樂遊原春望

五陵佳氣晚氛氲霸業雄圖勢自分秦地山河連楚塞

漢家宮一作樓殿入青雲未央樹色春中見長樂鐘聲月

下聞無那楊華起愁思滿天飄落雪紛紛

黃雀行

欲竊高倉集御河
翩翩疑渡畏秋波
朱宮晚樹侵鶯語
畫閣香簾奪燕窠
疎影暗棲寒露重
空城飢噪暮煙多
誰令不解高飛去
破宅荒庭有網羅

長安寓居寄柏侍郎

霜輕兩鬢欲相侵
愁緒無端不可尋
秦女紅妝空覓伴
郢郎白雪少知音
長亭古木春先老
太華青煙一作燈晚
更深獨向灞陵東
北望一封書寄萬重心

春日思歸

春情不斷若連環
一夕思歸鬢欲斑
壯志未酬三尺劍
故鄉空隔萬重山
音書斷絕干戈後
親友相逢夢寐間
却羨浮雲與飛鳥
因風吹去又吹還

朔中即事

關門南北雜戎夷
草木秋來即出師
落日風沙長暝早
窮冬雨雪轉春遲
山頭堠火孤明後
星外行人四絕時
自古邊功何不立
漢家中外自相疑

感懷獻門下相公

誰云郎選不由詩上相憐才積有時却是龍鍾到門晚
終非稽古致身遲謀將郡印歸難遂讀著家書坐欲癡
日望南宮看列宿迢迢妾女與鄉比一作鄰昆

贈長城庾將軍

初年三十拜將軍近代英雄獨未聞向國報恩心比石
辭天作鎮氣凌雲迷風走馬貂裘卷望塞懸孤雁陣分
定擁節麾從此去安西大破犬戎羣

浙東獻鄭大夫

聖主東憂漲海濱思移副相倚陶鈞樓臺獨坐江山月
舟楫先行澤國春還想萬家開戶外近聞羣盜竄諸鄰
幾時入去調元化天下同為堯舜人

鏡湖夜泊有懷

東晉太守
馬臻所築

廣水遙隄利物功因思太守惠無窮自從版築興農隙
長與耕耘致歲豐漲接星津流蕩漾寬浮雲岫動虛空
想當戰國開時有范蠡扁舟祇此中

宣州獻從叔大夫

清時選地任賢明，從此觀風輶尹京。
日月天中辭洛邑，雲山江上領宣城。
萬家間井俱安寢，千里農桑竟起耕。
聞說聖朝同漢代，已愁徵入拜公卿。

賀同年翰林從叔舍人知制誥

仙禁何人躡近踪，孔門先選得真龍。
別居雲路拋三省，專掌天書在九重。
五色毫揮成渙汗，百寮班下獨從容。
芳年貴盛誰為比，鬱鬱青青嶽頂松。

吳門別主人

一作吳門月夜

與曹太尉詰別

早晚更看吳苑月小

一作西

齋長憶落西

一作月當

窗不知明

夜誰家見應照離人隔楚江

自黔中歸新安

朝過春闕辭北闕暮參戎幕向南巴却將仙桂東歸去

江月相隨直到家

一作至

奉和鄭薰相公

一本此下有七松亭三字

三四株松匝草亭便成彭澤柳為名蓮

一作遙

峰隱去難

辭闕淮水朝回與出城

及第後還家過峴嶺

魏馱山前一朶一作片花嶺西更有幾一作數千家石斑魚

鮓香衝鼻淺水沙田飯遼牙

春日旅舍

未識東西南北路青春白日坐銷難如何一別故園後
五度花開五處看

過長江傷賈島

忽從一宦遠流離無罪無人子細知到得長江聞杜宇
想君魂魄也相隨

自遣

永擬東歸把釣絲將行忽起半心疑青雲道是不平地
還有平人上得時

寄曹鄴

終南山是枕前雲禁鼓無因曉夜聞朝客秋來不朝日
曲江西岸去尋君

述懷

望月疑無得桂緣
春天又待到秋天
杏花開與槐花落
愁去愁來過幾年

客洛酬劉駕

浮世總應相送老
共君偏更遠
行多此回不似前
回別聽盡離歌逐櫂歌

題釣臺障子

君家盡是我家山
嚴子前臺枕古灣
却把釣竿終不可

幾時入海得魚還

題陽山顧煉師草堂

若到當時上升處長生何事後無人前峰自去種松子

坐見年

一作
視將

來取茯神

聞金吾妓唱梁州

聞君一曲古梁州驚起黃雲塞上愁秦女樹前花正發

北風吹落滿城秋

游蜀回簡友人

別來十二月去到漏天邊不是因逢閏還應是一作須

知已

隔年

贈涇州王侍御

一旦天書下紫微三年旌旆隨雲飛塞門無事春空到
邊草青青戰馬肥

夏日一作秋夜宿秘書姚監宅

貴宅多嘉樹先秋有好風

一作高樹密濃

情閒離眼

一作

闕下夢野在一作到山中露色浮寒瓦螢光墮

一作墮暗叢

聽吟麗句盡河漢任西東

一作轉
虛空

過嵩陰隱者

當門看少室倚杖復披衣每日醒還醉無人是與非架
書抽讀亂庭果摘嘗稀獨有江南客思家未得歸

留別山家

閒門不易求半月在林丘已與山水別難為花木留孤
懷歸靜夜遠會隔高秋莫道無言去冥心在重遊

送人遊吳

楚田開雪

一作天
雪開

後草色與君看積水浮春氣深山滯

帶一作雨寒金陵孤月出建業一鍾殘為把鄉書去因收

別淚難

東渭橋晚眺

秦地有吳洲

一作舟

千檣渭曲頭人當返照立水徹故鄉

流落第春難過窮途日易愁誰知橋上思萬里在江樓

送延陵韋少府

延陵稱貴邑季子有高蹤古跡傳多代仙山管幾峰微

泉聲小雨異木色深冬去畢三年秩新詩篋不容

淮南送友人歸滄州

風色忽一作又西轉坐為千里分高帆背楚落寒日迷淮

曉斷燒緣喬木盤鵬隱片雲鄉關一作園百戰地歸去始

休軍

夏日題盩厔友人書齋

脩竹齊高樹書齋竹樹中四時無夏氣一作日三伏有秋

風黑處巢幽鳥陰來叫候蟲牕西太白雪萬仞在遙空

尋山

一逕入雙崖初疑有幾家行窮人不見坐久日空斜石
上生靈草泉中落異花終須結茅屋向此學餐霞

送元遂上人歸錢唐

白衣遊帝鄉已得事空王却返湖山寺高禪水月房雨
中過嶽一作月黑秋後宿船涼回顧秦人語他生會別方

貽友人喻坦之

從容心自切一作別飲水勝銜杯共在山中長相隨闕下

來脩身空有道取事一作士各無媒不信昇平代終遺草

澤才

送友人往振武

風沙遙見說道路替君愁磧夜星垂地雲明火上樓
征鴻辭塞雪戰馬識邊秋不共將軍語何因有去留

賦得長城斑竹杖

秦興版築時翦伐不知誰異伐餘根在幽人得手持細
看生古意閒倚動邊思莫作鳩形並空將鶴髮期

送德清喻明府

棹返雪溪雲仍參舊使君州傳多古跡縣記是新文水
柵橫舟閉湖田立木分但如詩思苦為政即超羣

送薛能少府任盩厔

不才甘下第君子蹇何重相送昆明岸同看太白峰數
瓢留頃刻殘照迫從容好去煙霞縣仙人有舊蹤

送許壽下第歸東山

吾君設禮闈誰合學忘機却是高人起難為下第歸出

關心縱野避世事終稀莫更今秋夕相思望少微

冬夜酬范秘書

一作九衢春
日酬范秘書

九衢行一匝不敢入他門累日無餘

一作非
事通宵得至

一作盡
言命嗟清世蹇春覺閨冬暄翻覆吟佳句何酬國

士恩

送陸肱尉江夏

如何執簡去便作挂帆期澤國三春早江天落日遲縣
入齊候處洲鳥欲飛時免褐方三十青雲豈白髭

漢上送人西歸

幾作西歸夢因爲愴別心

一作此日看行
意令人動遠心

野衝天去盡

山夾

一作東

漢來深疊浪翻殘照

一作雪

高帆引片陰空留

相贈句

一作唯應
留別句

畢我白頭吟

蜀中逢友人

自古有行役誰

一作無

人免別家相歡猶

一作寬須

陌上一醉

任天涯積疊山藏蜀

一作紫紺

潺湲水遶巴他年復

又一作

何

處共說海棠花

寄范評事

行坐不相遺轍門載筆時雅知難更遇舊分合長思夢
即重尋熟書常轉達遲山齋終擬到何日遂心期

南遊過湘漢即事寄友人

南去遠驅逐三湘五月行巴山雪水下楚澤火雲生向
野聊中飯乘涼探暮程離懷不可說已迫峽猿聲

送許渾侍御赴潤州

家山近石頭遂意恣

一作在

東遊

一作浮

祖席離烏府歸帆

轉蜃樓陰氛出海散落月向潮流別有為霖日孤雲未

自由

喜友人厲圖南及第

相憂過已切相賀似身榮心達無前後神交共死生承
家吾子事登第世人情未有通儒術明時道不行

送友人下第歸越

歸意隨流水江湖共在東山陰何處去草際片帆通雨
色春愁裏潮聲曉夢中雖為半年客便是往來鴻

寄友人

一別一相見須臾老此生客衣寒後薄山思夜深清詩
近吟何句鬢新白幾莖路岐如昨日來往夢分明

送友人下第歸宛陵

天涯長戀親闕下獨傷春擬住還求已須歸不為身臨
歧仍犯雪挂席始離塵共泣東風別同為滄海人

秋夜對月寄鳳翔范書記

月過一作遇秋霖後光應夜夜清一回相憶起幾度獨吟

行河漢東西直山川遠近明寸心遙往處新有雁來聲

送孫明秀才往潘州訪一作韋卿

北鳥飛不到北人今

一作誰

去遊天涯浮瘴水嶺外問潘

州草木春冬茂猿猱日夜愁定知遷客淚應只對君流

八月十五夜對月

陰盛此宵中多為雨與風坐無雲雨至看與雪霜同抱
濕離遙海傾寒向迥空年年不可值還似命

一作道

難通

及第後歸

家臨浙水傍岸對買臣鄉縱棹隨歸鳥乘潮向夕陽苦吟身得雪甘意鬢成霜况此年猶少酬知足自強

過巫峽

擁棹向驚湍巫峰一作山直上看削成從水一作地底聳出

在雲端暮雨晴時一作歸少啼猿渴下難一聞神女去風

竹掃空擅

御定全唐詩卷五百八十七

謹案卷五百八十五第十五頁前六行御泉常統

鳳凰棲按棲疑樓字之訛

欽定四庫全書





總校官庶吉士臣張能照

校對官檢討臣郭寅

謄錄監生臣馬嗣佺

欽定四庫全書會要

集部

御定全唐詩卷五百八十八至九十一

詳校官原任事臣李斯咏

欽定四庫全書
唐詩卷五百八十八

集部

御定全唐詩卷五百八十八

李頻

送友人往太原

驅馬聊把酒此路徹邊頭草白雁來盡時清人去遊汾

河流晉地塞雪滿并州別後相思夜空一作遙看北斗愁

一作明日相思

起蕭條上北樓

旅懷

萬里共心論徒言吾道存奉親無別業謁帝有何門水

宿驚濤浦山行落葉村長安長夢去欹枕即聞猿

送裴御史赴湖南

關

一作開

門鳥道中飛傳復乘驄暮雪離秦甸春雲

一作雷

入楚宮平蕪天共闊積水地多空使府懸帆去

一作侍

能消幾日風

送姚邵先輩赴汝州辟

行李事寒天東來聘禮全州當定鼎處人去偃戈年雷

一
風

雨

一
雨
雪

依嵩嶺桑麻接楚田遙知清夜作不是借

戎篇

第三聯同後送姚評事詩

初離黔中泊江上

去去把青桂平生心不違更蒙蓮府辟兼脫布衣歸霽

岳

一
碧岫

明殘雪清波漾落暉無窮幽鳥戲

一
興時向一
作

日
起棹前飛

黔中酬同院韋判官

平生同所為相遇偶然遲各著青袍後無歸白社期江

流來絕域府地管諸夷聖代都無事從公且賦詩

和范秘書襄陽舊遊

一作和范鄰先
草話襄陽舊遊

聽話揚帆興初從峴首還高吟入白浪遙坐看

一作
看出青

山枯木

一作古樹猿啼爽寒空

汀鶴步

一作立

閒秋來關

一作

去夢幾夜度

一作商顏一作
闌

秋夜山

一作江日

中思歸寄友人

蕭條對秋色相憶在雲泉木落病身起潮平歸思懸涼
鐘山頂寺暝火渡頭船此地非吾土淹留又一年

自黔中東歸旅次淮上

行旅本同愁，黠吳復阻脩。
半年方中路，窮節到孤舟。
夕靄垂陰野，晨光動積流。
家山一夜夢，便是昔年遊。

江夏春感舊

東風出海門，處處動林園。
澤國雪霜少，沙汀花木繁。
暖魚依水淺，晴雁入空翻。
何處陽和力，生萍不駐根。

眉州別李使君

一作眉山留
獻張端公

回首雪峰前，朱門心杳然。
離人自嗚咽，流水莫潺湲。
毒

草通蠻徼秋林近漏天一生從此去五字有誰憐

送許棠及第歸宣州

高科終自致志業信如神待得逢公道由來合貴身秋
歸方覺好舊夢始知真更想青山宅誰為後主人

黔中罷職將泛江東

黔中初罷職薄俸亦無殘舉目鄉闕遠攜家旅食難野
梅將雪競江月與一作共沙寒兩鬢愁應白何勞一作勞心把

鏡看

長安書事寄所知

帝里本無名端居有道情睡魂春夢斷一作短書興晚窗

明老擬歸何處閒應過此生江湖終一日拜別便東行

酬姚覃

不見又相招何曾訴寂寥醉眠春草長吟坐夜燈銷淚
墮思山切身歸轉路遙年年送別處楊柳少垂條

春日鄜州贈裴居言

雖將身佐幕出入似閒居草色長相待山情信不疎燈

前春睡足酒後夜寒餘筆研時時近終非署簿書

送于生入蜀

家吳聞入蜀道路頗乖離一第何多難都城可少知江
山非久適一作戀命數未終奇況又將寬抱經春杜魄隨

送許棠歸涇縣作尉

青桂復青袍一歸榮一高縣人齊下拜邑宰共分曹遶
郭看秧插尋街聽繭縕封侯萬里者燕領乃徒勞

友人話別

論交雖不登詣別且相親除却棲禪客誰非南陌人半
生都返性終老擬安貧願入白雲社高眠自致身

山居

欲出窮吾道東西自未能捲書

一作簾

唯對鶴開畫

一作卷

獨留僧落葉和雲掃秋山共月登何年石上水夜夜滴

高層

寄范郎中

藜杖山中出吟詩對

一作獨

范家相知從海嶠寄食向京

華名宦成何報清眸未縱賒臨邛夢來往雨雪滿褒斜

書懷

宦途從不問身事覺無差華髮初生女滄洲未有家却
閒思洞穴終老曠桑麻別訪棲禪侶相期語劫沙

越中行

越國臨滄海芳洲復暮晴湖通諸浦白日隱亂峰明野
宿多無定閒遊免有情天台聞不遠終到石橋行

春日南遊寄浙東許同年

孤帆處處宿不問是誰家南國平蕪遠東風細雨斜旅
懷多寄酒寒意欲留花更想前途去茫茫滄海涯

明州江亭夜別段秀才

離亭向水開時候復蒸梅霹靂燈燭一作燭滅蒹葭風雨

來京闕雖一作誰共語海嶠不同回莫爲尊鱸美天涯滯

爾才

臨岐留別相知

百歲竟何事一身長遠遊行行將近老處處不離愁世

路多相取權門不自投難為此時別欲別願人留

鄂渚湖上即事

杜門聊自適湖水在窗間縱得滄洲一作江去無過白日

閒多慵空好道少賤早凋顏獨有東山一作峰月依依自

往還

辭夏口崔尚書

一飯仍難受依仁况一年

一作淹留已半年

終期身可報不擬

骨空鑄城晚風高角江春浪起船同來一作曾同棲止地獨

去塞鴻前

秦一作春原早望

一忝鄉書薦長安未得回年光逐渭水春色上秦臺燕掠平蕪去人衝細雨來東風生故里又過幾花開

送友人之揚州

一作遊淮南

一別長安後晨征便信雞河聲入峽急地勢出關低綠樹叢垓下青無閭楚西路長知不惡隨處得一作詩題好

過四皓廟

東西南北人高跡自相親天下已歸漢山中猶避秦龍
樓曾作客鶴氅不為臣獨有千年後青青廟木春

陝下懷歸

故園何處在零落五湖東日暮無來客天寒有去鴻大
河冰徹塞高嶽雪連空獨夜懸歸思迢迢永漏中

送徐處士歸江南

行行野雪一作雲薄寒氣日一作已通春故國又芳草滄江

終白身遊歸花落滿睡起鳥啼新莫惜閒書札西來問

旅人一作不得無來
孔令借問人

鄜州留別王從事

相識未十日相知如十年從來易離別此去忽留連路
險行衝雨山高度隔天難終清夜坐更聽說安邊

長安夜懷

匹馬西遊日從吳又轉荆風雷幾夜坐山水半年行夢
永秋燈滅吟餘曉露明良時不我與白髮向秦生一作頭盈

冬夜山中尋友

僧一作

何人山雪夜相訪不相思

一作夜山深雪後月

若得長閒日

應無暫到

一作別

時葉寒凋欲盡泉凍落還遲即此天明

去重來未有

一又未作期

送劉山人歸洞庭

君逐雲山去人間又絕蹤

一作去意無人會唯應道是從又作却共歸雲去高眼最

上半湖乘早月中路入踈鐘秋盡草

一作戶蟲急夜深山

雨重平生心未已豈得更相從

一作當時同隱者分得幾株松

古意

白馬遊何處青樓日正長鳳簫拋舊曲鸞鏡嬾新妝亥

鳥深空

一作
巢靜語

飛花入戶香雖非竇滔婦錦字已

成章

避暑

當暑憶歸林陶家借柳陰蟬從初伏噪客向晚涼吟白
日欺玄鬢滄江負素心神仙倘有術引我出幽岑

中二
聯同

後夏日藍屋郊

居寄姚少府詩

送吳秘書歸杭州

為客得從容官清料復重海崖歸有業天目近何峰是
處通春棹無村不夜春馬卿誇貴達還說返臨邛

中秋對月

秋分一夜停陰魄最晶熒好是生滄海徐看歷杳冥層
空疑洗色萬怪想潛形他夕無相類晨雞不可聽

八月上峽

一作八月
峽口作

萬里巴江一作西水秋來滿峽流亂山無陸路行客在孤
舟洶洶灘聲急冥冥樹色愁免爲三不弔已一作終白一

生頭

送狄明府赴九江

字人脩祖德清白定聞傳匹馬從

一作離

秦去孤帆入楚

懸關中寒食雨湖上暑衣天四考兼重請

一作攝

相知住

幾年

陝下投姚諫議

舊業在東鄙西遊從楚荆風雷幾夜坐山水半年行夢
永秋燈滅吟孤曉露明前心若不遂有耻却歸耕

閩東逢薛能

何處不相思相逢還有時交心如到老會面未為遲苦學緣明代勞生欲白髮唯君一度別便似見無期

富春贈孫璐

天柱與天目曾棲絕頂房青雲求祿晚白日坐家長井氣通潮信牕風引海涼平生詩稱一作稿在老達亦何妨

送友人遊蜀

東堂雖不捷西去復何愁蜀馬知歸路巴山似舊遊星

臨劍閣動花落錦江流鼓吹青林下時聞祭武侯

夏日盩厔郊居寄姚少府

古木有清陰寒泉在下深蟬從初伏噪客向晚涼吟白
日欺玄鬢滄江負素心甚思中夜話何路許相尋

送胡休處士歸湘江

一作南

見說

一作詰

湘江

一作荆湘

切長愁有去時江湖秋涉遠雷

一作

風雨

一作電

夜眠遲舊業多歸興空山盡老期天寒一瓢

酒落日醉

擬

留誰

峽州送清徹上人歸浙西

一作送清江
上人歸東林

風濤幾千里歸路半乘舟此地難相遇

一作別

何人更共

遊

一作留

坐經嵩頂夏行值洛陽秋到寺安禪夕江雲滿

過

一作

石樓

送僧入天台

一錫隨緣赴天台又去登長亭舊別路落日獨行僧夜
燒山何處秋帆浪幾層他時授巾拂莫為

一作說

老無

能

回山後寄范鄼先輩

高樓會月夜北雁向南分留住經春雪辭來見夏雲遙
空江不極絕頂日難曛一與山僧坐無因得議文

長安送友人東歸

白社思歸處青門見去人鄉遙一作連茂苑樹路入廣陵
塵海日潮浮曉湖山雪露一作帶春猶期來帝里未是得

閒人一作身

深秋過源宗上人房

房一作方丈

到日值搖落相留山舍空微寒生夜半積雨向秋終度

講多來雁經禪少候蟲方從聽話後不省在愁中

第三
聯 同

後暮秋宿清

源上人院詩

秋日登山閣

蒼蒼山閣晚杳杳隙塵秋偶上多時立翻成盡日愁草
平連邑動河滿逐江流下視窮邊路行人在隴頭

秋宿慈恩寺遂上人院

一作送朱震
先輩赴青州

滿閣終南色清宵獨倚欄風高斜漢動葉下曲江寒帝

里求名老空門見性難吾師無一事不似在長安

題棲霞寺慶上人院

居與鳥巢鄰日將巢鳥親多生從此性久集得無身樹
老風終夜山寒雪見春不知諸祖後傳印是何人後二
聯同

後贈立規上人詩又同後

題棲雲寺立上人院詩

送友人入一作蜀

天際蜀門開西看舉別杯何人不異禮上客自懷才夜
澗青林發秋江渌水來臨邛行樂處莫到白頭回

贈同官蘇明府

山中畿內邑別覺大夫清簿領分王事官資寄野情閒
齋無獄訟隱几向泉聲從此朝天路門前是去程

送厲圖南往荊州觀伯

雲水入荆湘古來魚鳥鄉故闢重隔遠春日獨行長山
溜含清韻江雷吐夜光郡中詞客會遊子更升堂

山中夜坐

歸家來幾夜倏忽覺秋殘月滿方塘白風依老樹寒戲

魚重躍定驚鳥却棲難為有門前路吾生不得安

送台州唐興陳明府

見說海西隅山川與俗殊宦遊如不到仙分即應無瀑
布當公署天台是縣圖遙知為吏去有術字樽孤

夏日過友人檀溪別業

暑天宜野宅林籟夾泠泠沙月邊開戶岩風助掃庭鷺
棲依綠篠魚躍出清萍客抱方如醉因來得暫醒

自江上入閩

盡室寄滄洲孤帆獨泝流天涯心似夢江上雨兼秋文字爲人棄田園被債收此名如不得何處擬將休

冬夜和范秘書宿秘省中作

每日一作入得閒吟清曹闕下深因知遙夜坐別有遠山

心芸細書中氣松疎雪後一作陰歸一作上時高興足還

復挿朝簪

送友人遊太原

孤帆幾日懸楚客思飄然水宿南湖夜山離舊國年秋

風高送雁寒雨入停蟬此去勤書札時常中路傳

江上居寄山中客

一本無居字中字

山後與山前相思隔叫猿殘雲收樹末返照落江源苦
雨秋濤漲狂風野火翻朝來賣藥客遇我達無一作君言

御定全唐詩卷五百八十八

欽定四庫全書
欽定全唐詩卷五百八十九

御定全唐詩卷五百八十九

李頻

送張郎中赴睦州

青山復渌水想入富春西夾岸清猿去中流白日低美
兼華省出榮共故鄉齊賤子遙攀送歸心逐馬蹄

送鄂渚韋尚書赴鎮

夏口本吳頭重城據上遊戈船轉江漢風月宿汀洲執

憲傾民望銜恩赴主憂誰知舊寮屬攀餞淚仍流

送崔侍御書記赴山北座主尚書招辟

書記向丘門旌幢夾谷尊從來遊幕意此去并酬恩雁
呌嫌冰合驄嘶喜雪繁同爲入室士不覺別銷魂

入朝遇雪

霜鬢持霜簡朝天向雪天玉階初辨色瓊樹乍相鮮密
翳空難曙盈徵瑞不愆誰爲洛陽客是日更高眠

勉力

日月不並照升沈俱有時自媒徒欲速孤立却宜遲盡
力唯求己公心任遇誰人間不得意半是鬢先衰

郊居寄友人

林色樹還曠何時得見君獨居度永日相去遠浮雲故
疾隨秋至離懷覺夜分蛩聲非自苦偏是旅人聞

送陸肱歸吳興

雪後江上去風光故國新清渾天氣曉綠動浪花春勸
酒提壺鳥乘舟震澤人誰知滄海月取桂却來秦

暮秋重過山僧院

却接良宵坐明河，幾轉流安禪。逢小暑，抱疾入高秋。靜室聞玄理，深山可白頭。朝朝獻林果，亦欲學獮猴。第二
聯同

後秋夜宿重

本上人院詩

送新安少府

南浮雖六月，風水已秋涼。日亂看江樹，身飛逐楚檣。後期誰可定，臨別語空長。遠宦須清苦，幽蘭貴獨芳。

送人歸吳

何人不歸去君去是閒人帝里求相識山家即近鄰交
情吾道可一作古
舊離思柳條新未飲青門酒先如醉夢身

送姚評事

儒服從戎去須知勝事全使君開幕日天子偃戈年風
雨依嵩嶺桑麻接楚田新詩隨過客旋滿洛陽傳

題棲雲寺立上人院

是法從生有脩持歷劫塵獨居巖下室長似定中身樹

老風終夜山寒雪見春不知諸祖後傳印是何人

黔中罷職過峽州題田使君北樓

巴中初去日已遇使君留及得尋東道還陪上北樓江
衝巫峽出檣過洛宮收好是從戎罷看山覺自由

江上送從兄羣玉校書東遊

逍遙蓬閣吏才子復詩流墳籍因窮覽江湖却縱遊眼
波聽戍鼓飯浦約魚舟處處迎高密先應掃郡樓

宛陵東峰亭與友人話別

坐舉天涯目停杯語日晡脩篁齊迥檻列岫限平蕪亂
水通三楚歸帆挂五湖不知從此去何處是前途

華山尋隱者

自入華山居閨東相見疎瓢中誰寄酒葉上我留書巢
鳥寒棲盡潭泉暮凍餘長聞得藥力此說又何如末聯同後

尋華陽

題薦福寺僧棲白上人院

空門有才子得道亦吟詩內殿頻徵入孤峰久作期高

隱者

名何代比密行幾生持長愛喬松院清涼坐夏時

遊四明山劉樊二真人祠題山下孫氏居

久在仙壇下全家是地仙池塘來乳洞未黍接芝田起
看青山足還傾白酒眠不知塵世事雙鬢逐流年

和太學趙鴻博士歸蔡中

得祿從高第還鄉見後生田園休問主詞賦已垂名掃
壁前題出開牕舊景清遙知賢太守致席日邀迎

送壽昌曹明府

惠人須宰邑為政貴通經却用清琴理猶嫌薄俗聽漲
江晴漸綠春嶠燒還青若宿嚴陵瀨誰當是客星

哭賈島

秦樓吟苦夜南望只悲君一宦終遐徼千山隔旅墳恨
聲流蜀魄冤氣入湘雲無限風騷句時來日夜聞

送薛能赴鎮徐方

列土人間盛彭門屬九州山河天設險禮樂牧分憂皎
日為明信清風占早秋雖同卻縠舉卻縠不封侯

送鳳翔范書記

西京無暑氣夏景似清秋天府來相辟高人去自由江
山通蜀國日月近神州若共將軍語河蘭地未收

岐山逢陝下故人

三秦一會面二陝久分攜共憶黃河北相留白日西寄
來書少達別後夢多迷早晚期于此看花聽鳥啼

送友人陸肱往太原

并州非故國君去復尋誰獫狁方為寇嫖姚正用師戍

煙來自一作有號邊雪下無時更想綿上應逢禁火期

贈李將軍

吾宗偏好武漢代將家流走馬辭中禁屯軍向渭州天
心待破虜陣面許封侯却得河源水方應洗國讐

送友人喻坦之歸睦州

一作送人歸新定

歸心常共知歸路不相隨彼此無依倚東西又別離山

花一作雲含雨濕

一作亞江樹近

一作述

潮欹莫戀漁樵興

生涯各有爲

一作期

尋華陽隱者

閒却白雲居行蹤出去初窗中聊取筆架上獨留書日
背林光冷潭澄嶽影虛長聞得藥力此說復何如

長安即事

一作長安
僻居酬人

豈得有書名徒為老帝京關中秋氣早雨後夜涼生滄
海身終泛青門夢一作路已行秦人縱相識多少別離情

一作吟君一句
意又見故人情

送友人遊塞北

朔野正秋風前程見磧鴻

一作上馬問雲
中長川送北風

日西身獨遠

一作去山轉路無窮樹隔高關斷沙連大漠空君看河外

將早晚擬

一作合

平戎

陝府上姚中丞

關東領藩鎮關下授旌旄覓句秋吟苦酬恩夜坐勞天
開吹角出木落上樓高閒話錢塘郡半年一作生聽海潮

送供奉喻鍊師歸天目山

承恩雖內殿得道本深山舉世相看老孤峰獨自還溪

來青壁裏路在白雲間絕頂無人住雙峰是舊關

之任建安渌溪亭偶作二首

入境當春務農蠶事正殷逢溪難飲馬度嶺更勞人想
取烝黎一作民泰無過賦歛均不知成政後誰是得為鄰

維舟綠溪岸繞郡白雲峰將幕連山起人家向水重短
才無獨見長策未相逢所幸分堯理烝民悉可封

送侯郎中任新定二首

為郎非白頭作牧授滄洲江界乘潮入山川值勝遊暑

氣隨轉扇涼月傍開樓便欲歸田里拋官逐隱侯

罷郎東出守半路得浮舟大旆行當夏桐江到未秋雲
間分島寺濤靜見沙鷗誰伴臨清景吟詩上郡樓

送太學吳康仁及第南歸

因為太學選志業徹春闈首領諸生出先登上第歸一
榮猶未已具慶且應稀縱馬行青草臨岐脫白衣家遙
楚國寄帆對漢山飛知已盈華省看君再發機

陝州題河上亭

岸擁洪流急亭開清興長當軒河草晚入坐水風涼獨
鳥驚來客孤雲觸去檣秋聲和遠雨暮色帶微陽浪靜
澄牕影沙明發簾光逍遙每盡日誰識愛滄浪

留題姚氏山齋

未厭棲林趣猶懷濟世才閒眠知道在高步會時來露
滴從添硯蟬吟便送杯亂書離縹帙迸筭出苔莓異果
因僧摘幽窗為燕開春遊何處盡欲別幾遲回

長安書懷投知己

一作投
祁員外

所學近雕蟲知難謁一作望至公徒隨衆人後擬老一生

中間歲家書到經荒世業空心懸滄海斷一作澗夢與白

雲通玉漏聲連北銀河氣極東闕門迢遞月禁苑寂寥

鴻地廣身難束一作跼時平道獨窮蕭條苔長雨淅瀝葉

危一作從風久媿一作戀千朝客多慚別釣翁因依非不

亦延薦况曾蒙一作拜投何敢一作與忽言獎為曾蒙與舉善應一作如無替

垂恩本有終霜天搖落日莫使逐孤一作蓬飄

送姚侍御充渭北掌書記

北境烽煙急南山戰伐頻撫綏初易帥參畫盡須人書
記才偏稱朝廷意更親繡衣行李日綺陌別離塵報國
將臨虜之藩不離秦豸冠嚴在首雄筆健隨身飲馬河
聲暮休兵塞色春敗亡仍暴骨冤哭可傷神上策何當
用邊情此是真雕陰曾久客拜送欲霑巾

長安書情投知己

陝服因詩句從容已半年一從歸闕下罕得到門前每
候朝軒出常看列宿懸重投期見獎數首果蒙傳轉覺

功宜倍兼令住更堅都忘春暫醉少省夜曾眠煩暑燈
誰讀孤雲業自專精華搜未竭騷雅琢須全此事勤雖
過他謀拙莫先槐街勞白日桂路在青天取第殊無序
還鄉可有緣旅情長越鳥秋思幾秦蟬月色千樓滿砧
聲萬井連江山阻迢遞時節暗推遷道即窮通守才應
始末憐書紳相戒語藏篋贈行篇致主當齊聖爲郎本
是仙人心期際會鳳翼許遷延畢竟良圖在何妨逸性
便幽齋中寢覺珍木正陰圓隱几間瞻夜一作臨雲興

渺然五陵供麗景六義動花牋倘與潛生翼寧非助化
權免教垂素髮歸種海隅田

府試丹浦非樂戰

自古爲君道垂衣致理難懷仁須去殺用武即勝殘毒
熾誅方及兵臨釁可觀居來彭蠡固戰罷洞庭寬雪國
知天遠霜林是血丹吾皇則堯典薄伐至桑乾

府試風雨聞雞

不爲風雨變雞德一何貞在暗長先覺臨晨即自鳴陰

羈方見信頃刻詎移聲向晦如相警知時似獨清蕭蕭
和斷漏喔喔報重城欲識詩人興中含君子情

府試觀蘭亭圖

往會人何處遺蹤事可觀林亭今日在草木古春殘筆
想吟中駐杯疑飲後乾向青穿峻嶺當白認回湍月影
窗間夜湖光枕上寒不知詩酒客誰更慕前歡

府試老人星見

良宵出戶庭極目向青冥海內逢康日天邊見壽星臨

空遙的竟曉獨熒熒春後先依景秋來忽近丁垂休
臨有道作瑞掩前經豈比周王夢徒言得九齡

省試振鷺

有鳥生江浦霜華作羽翰君臣將比潔朝野共相

一作為

歡月影林梢下冰光水際殘翻飛時共樂飲啄道皆安
迴翥宜高詠羣棲入靜看由來鴛鷺侶濟濟列千官

寄辛明府

何處無苛政東南有子男細將朝客說須是邑人諳別

業空經稔歸田獨未甘目凝煙積樹心貯月明潭曉鼓

愁方亂春山睡正酣不任啼鳥思鄉社欲桑蠶

范中題友人林亭

井邑藏嵒穴

一作洞

幽棲趣若何春篁抽

一作筍密夏鳥

雜雉多坐有清風至

一起

林無暑氣過亂書還就葉真

飲不聽歌片影明紅蘚斜

一作新

陰映綠蘿雄文終可惜

莫更棄高科

投京兆府試官任文學先輩

高興每論詩非才獨見推應當明試日不比暗投時出
口人皆信操心自可知孤單雖有託際會別無期取舍
知由已窮通斷在茲賤身何足數公道自難欺澤國違
甘旨漁舟積夢思長安未歸去為倚鑒妍媸

宋少府東溪泛舟

登岸還入舟水禽驚笑語晚葉低衆色濕雲帶繁暑落
日乘醉歸溪流復幾許

聞北虜入靈州二首

河冰一夜合虜騎入

一作滿

靈州歲歲徵兵去

一作難徒

防

塞草秋

見說靈州戰沙中血未

一作不

乾將軍日告急走馬向長

安

送友人下第歸感懷

帝里春無

一作無春

意歸山對物華即應來日去

一作到日

九陌

踏槐花

贈桂林友人

君家桂林住

一作下

日伐桂枝吹何事東堂樹

一作桂

年年

待一枝

長安感懷

一第知何日全家待此身空將灞陵酒酌送向東人

題長孫桐樹

一去龍門側千年鳳影移空餘剪圭處無復在孫枝

渡漢江

嶺外音書絕經年

一作冬

復歷春近鄉情更怯不敢問來

人

嵩山夜還

家住東臯去好採舊山薇自省遊泉石何曾不夜歸

暮秋宿清源上人院

野客愁來日山房木落中微風生夜半積雨向秋終證
道方離法安禪不住空迷途將覺路語默見西東

秋夜宿重本上人院

知憶涼堂坐明河幾度流安禪逢小暑抱疾入高秋水

國曾重講雲林半舊遊此來看月落還似道相求

贈立規上人

竹向空齋合無僧在四鄰去雲離坐石斜月到禪身樹
老風終夜山寒雪見春不知諸祖後傳印是何人

蘇州寒食日送人歸觀

第五句
缺一字

江城寒食下花木慘離魂幾宿投山寺孤帆過海門
聲潑火雨柳色禁煙村定看堂高後斑衣滅淚痕

即席送許之曹南省兄

缺一
字

梅爛荷圓六月天歸帆高背虎丘煙到時自見成行雁
別處休聽滿樹蟬賣劍爲賒吳市酒攜家猶借洞庭船
待看春榜來江外名占蓬萊第幾仙

送羅著作兩浙按獄

著作常宰

蘇州吳縣

使印星車適舊遊陶潛今日在瀛洲科條盡曉三千罪
圖固應空十二州舊綬有香籠驛馬皇華無暇狎沙鷗
歸來重過姑蘇郡莫忘題名在虎丘

下第後屏居書懷寄張侍御

別足豈一生良工隔千里故山彭澤上歸夢向汾水低
催神氣盡僅僕心亦耻未達誰不知達者多忘此行年
忽已壯去老年更幾功名如不彰身歿豈為鬼纔看芳
草歇即歎涼風起驄馬未來朝嘶聲尚在耳

答韓中丞容不飲酒

老大成名仍足病強聽絲竹亦無歡高情太守容閒坐
借與青山盡日看

句

只將五字句用破一生心

北夢瑣言

楚里八千里槃槃此

都會巍峩數里城遠水相映帶

方輿勝覽

御定全唐詩卷五百八十九

欽定四庫全書
唐詩卷五百九十五

集部

御定全唐詩卷五百九十五

李郢

李郢字楚望長安人大中十年第進士官終侍御史詩
一卷

冬至後西湖泛舟看斷冰偶成長句

一陽生後陰廝竭湖上層冰看折時雲母扇搖當殿色
珊瑚樹碎滿盤枝斜汀藻動魚應覺極浦波生鴈未知

山影淺中留瓦礫
日光寒外送漣漪
崖崩葦岸縱橫散
篙蹙蘭舟片段隨
曾向黃河望衝激
大鵬飛起雪風吹

陽羨春歌

石亭梅花落如積
玉鮓爛斑竹姑赤
祝陵有酒清若空
煮餠蒸魚作寒食
長橋新晴好天氣
兩市兒郎擢船戲
溪頭銚鼓狂殺儂
青蓋紅裙偶相值
風光何處最可憐
邵家高樓白日邊
樓下遊人顏色喜
溪南黃帽應羞死
三月未有二月殘
靈龜可信渰水乾
葑草青青促歸去

短簫橫笛說明年

茶山貢焙歌

使君愛客情無已客在金臺價無比春風二月貢茶時
盡逐紅旌到山裏焙中清曉朱門開筐箱漸見新芽來
陵煙觸露不停探官家赤印連帖催朝飢暮匐誰興哀
喧闐競納不盈掬一時一餉還成堆蒸之馥之香勝梅
研膏架動轟一作聲如雷茶成拜表貢天子萬人爭噉春
山推驛騎鞭聲砉流電半夜驅夫誰復見十日一作見王

程路四千到時須及清明宴一作前吾君可謂納諫君諫

前

官不諫何由聞九重城裏雖玉食天涯吏役長紛紛使

君憂民慘容色就焙嘗茶坐諸客幾回到口重咨嗟嫩
綠鮮芳出何力山中有酒亦有歌樂營房戶皆仙家仙

家十隊酒百斛金絲宴饌隨經過使君是日憂思多客

亦無言徵綺羅殷勤繞焙復長嘆官府例成期如何吳

民吳民莫憔悴使君作相期蘇爾

夏日登信州北樓

高樓上長望百川見靈山雨歇河珠定雲開谷鳥還田
苗映林合牛犢傍村間始得消憂處蟬聲催入關

遊天柱觀

聽鐘到靈觀仙子喜相尋茅洞幾千載水聲寒至今讀
碑丹井上坐石澗亭陰清興未云盡煙霞生夕林

酬劉谷除夜見寄

坐恐三更至流年此夜分客心無限事愁雨不堪聞灞
上家殊遠爐前酒暫一作易醺劉郎亦多恨詩憶故山雲

元日作

鏘鏘華駟客門館賀新正野雪江山霽微風竹樹清無
庭春意曉殘耕燼煙生忽憶王孫草前年在帝京

酬劉谷立春日吏隱亭見寄

孤亭遙帶寺靜者獨登臨楚霽江流慢春歸澤氣陰野
田青牧馬幽竹暖鳴禽日日光盡何堪故國心

宿憐一作溝上人房

重公舊相識一夕話勞生藥裏關身病經函寄道情嶽

寒當寺色灘夜入樓聲不待移文請三年別赤城

園居

暮雨揚雄宅秋風向秀園不聞砧杵動時看桔槔翻釣
下魚初食船移鴨輶喧橘寒才弄色須帶一作早霜繁

中元夜

江南水寺中元夜金粟欄邊見月娥紅燭影迴仙態近
翠鬟光動看一作見人多香飄彩殿凝蘭麝露繞輕衣雜
綺羅湘水夜空巫峽遠不知歸路欲如何

贈羽林將軍一作江上

逢王將軍

虬鬚

一作鬃

憔悴羽林郎

曾入甘泉侍武

一作玉

皇鵬沒夜

春

雲知御苑馬隨仙

一作仗識天香

五湖歸去孤舟月

六國平來兩鬢霜

惟有桓伊江上笛

臥吹三弄送殘陽

送人之嶺南

關山迢遞古交州歲宴憐君走馬遊謝氏海邊逢素

一作

姪女越王潭上見青牛嵩臺月照啼猿曙

一作樹

石室煙

含古桂秋迴望長安五千里刺桐花下莫淹留

晚泊松江驛

片帆孤客晚夷猶
紅蓼花前水驛秋
歲月方驚離別盡
煙波仍駐古今愁
雲陰故國山川暮
潮落空江網罟收
還有吳娃舊歌曲
櫂聲遙散採菱舟

江亭春霽

江蘿漠漠荷田田
江上雲亭霽景鮮
蜀客帆檣背歸燕
楚山花木怨啼鶲
春風掩映千門柳
曉色淒涼萬井煙
金磬泠冷水南寺
上方僧室一作臺殿翠微連

早秋書懷

高梧一葉墜涼天宋玉悲秋淚灑然霜拂楚山頻見菊
雨零溪樹忽無蟬虛村暮角催殘日近寺歸僧寄野泉
青鬢已緣多病鑷可堪風景促流年

為妻作生日寄意

謝家生日好風煙柳暖花春二月天金鳳對翹雙翡翠

蜀琴初一作新上七絲絃鴛鴦交頸期千歲琴瑟諧和願

百年應恨客程歸未得綠窓紅淚冷涓涓

重陽日寄浙東諸從事

野人多病門長掩荒圃重陽菊自開愁裏又聞清笛怨
望中難見白衣來元瑜正及從軍樂甯戚誰憐叩角哀
紅旆紛紛碧江暮知君醉下望鄉臺

和湖州杜員外冬至日白蘋洲見憶

白蘋亭上一陽生謝朓新裁錦繡成千嶂雪消溪影漾
幾家梅綻海波清已知鷗鳥長來狎可許汀洲獨有名
多媿龍門重招引即拋田舍棹舟行

上裴晉公

四朝憂國鬢如絲龍馬精神海鶴姿天上玉書傳詔夜
陣前金甲受降時曾經庾亮三秋月下畫羊雲兩路一作
局暮惆悵舊堂扃綠野夕陽無限鳥飛遲

錢塘青山題李隱居西齋

小隱西齋為客開翠蘿深處遍青苔林間掃石安棋局
巖下分泉透酒杯蘭葉露光秋月上蘆花風起夜潮來
湖山繞屋猶嫌淺欲櫂漁舟近釣臺

友人適越路過桐廬寄題江驛

桐廬縣前洲渚平桐廬江上晚潮生莫言獨有山川秀
過日仍聞官長清麥隴虛涼當水店鱸魚鮮美稱尊羹
王孫客棹殘春去相送河橋羨此行

送劉谷

村橋西路雪初晴雲暖沙乾馬足輕寒澗渡頭芳草色
新梅嶺外鷓鴣聲郵亭已送輕一作車發山館誰將候
火迎落日千峰轉迢遙知君回首望高城

七夕一作趙璜詩

烏鵲橋頭雙扇開，年年一度過河來。
莫嫌天上稀相見，猶勝人間去不回。
欲減煙花饒俗世，暫煩煙月掩粧臺。
別時舊路長清淺，豈肯離情心一作似死灰。

秦處士移家富春發樟亭懷寄

潮落空江洲渚生，知君已上富春亭。
嘗聞郭邑山多秀，更說官僚眼盡青。
離別樂宵魂耿耿，相思一座髮星星。
仙翁白石高歌調，無復松齋半夜聽。

故洛陽城

胡兵一動朔方塵不使鑾輿此重巡清洛但流嗚咽水
上陽深鎖寂寥春雲收少室初晴雨柳拂中橋晚渡津
欲問升平無故老鳳樓回首落花頻

紫極宮上元齋次呈諸道流

第五句
缺一字

碧簡朝天章奏頻清宮鬟鬢降靈真五龍金角向星斗
三洞玉音愁鬼神風拂亂燈山磬露霑仙杏石壇春
明朝醮罷羽客散塵土滿城空世人

立春一日江村偶興

舊歷年光看卷盡立春何用更相催江邊野店寒無色
竹外孤村坐見梅山雪乍晴嵐翠起漁家向晚笛聲哀
南州近有秦中使聞道胡兵索戰來

立秋後自京歸家

籬落秋歸見豆花竹門當水岸橫槎松齋一雨宜清簟
佛室孤燈對絳紗盡日抱愁跼似鼠移時不動嬾於蛇
西江近有鱸魚否張翰扁舟始到家

奉陪裴相公重陽日遊安樂池亭

絳霄輕靄翊三台
嵇阮襟懷管樂才
蓮沼昔為王僕府
菊籬今作孟嘉杯
寧知北闕元勲在

漢賜蕭何等
北闕大第
却引

東山舊客來自笑
吐茵還酩酊
日斜空從絳衣迴

澠河館

一作暮春山
行田家歌馬

雨濕菰蒲斜日明
茅厨煮蟹掉車聲
青蛇上竹一種色
黃蝶一作燭隔溪無限情
何處樵漁將遠餉
故園田土憶春耕
千峰萬瀨一作靄水滴滴羸馬
此中愁獨行

春日題山家

偶與樵人熟春殘日日來依箇尋紫蕨挽樹得青梅
薰銜泥起蜂喧抱藥回嫩茶重攬綠新酒畧炊醅漠漠
蠶生紙涓涓水弄苔丁香政堪結留步小庭隈

江亭晚望

碧天涼冷鴈來踈閒望江雲思有餘秋館池亭荷葉後
野人籬落豆花初無愁自得仙人術多病能忘太史書
聞說故園香稻熟片帆歸去就鱸魚

長安夜訪澈上人

關西木落夜霜凝烏帽閒尋紫閣僧
松迴月光先照鶴寺寒溝水忽生冰
琤琤曉漏喧秦禁漠漠秋煙起漢陵
聞說天台舊禪處石房獨有一龕燈

送圓鑒上人遊天台

西嶺草堂留不住獨攜瓶錫向天台
霜清海寺聞潮至日宴江船乞食回
華頂夜寒孤月落石橋秋盡一僧來
靈溪道者相逢處陰洞泠泠竹室開

送僧之台州

獨尋台嶺間遊去
豈覺靈溪道里賒
三井應潮通海浪
五峯攢寺落天花
寒潭盥漱銅瓶潔
野店安禪錫杖斜
到日初尋石橋路
莫教雲雨濕袈裟

傷賈島無可

却到京師事事傷
患休歸寂賈生亡
何人收得文章篋
獨我來經苔蘚房
一命未霑為逐客
萬緣初盡別空王
蕭蕭竹塢斜陽在
葉覆閒堦雪擁牆

孔雀

越鳥青春好顏色晴軒入戶看咷衣一身金翠畫不得
萬里山川來者稀絲竹慣聽時獨舞樓臺初上欲孤飛
刺桐花謝芳草歇南國同巢應望歸

秋晚寄題陸勲校書義興禪居時淮南從事

禪居秋草晚蕭索異前時蓮幙青雲貴翶翔絕後期蘚
房檻架掩山砌石盆欹鯀戰晨趨靜笙歌夜散遲谷寒
霜狹靜林晚磬蟲悲憲遠煙霞在方平杖履隨骨清須

貴達神童有威儀萬卒千蹄馬橫鞭從信騎

酬王舍人雪中見寄

三日柴門擁不開堦庭平滿白皚皚今朝踏作瓊瑤跡
為有詩從鳳沼來

蟬

飲蟬驚雨落高槐山蟻移將入石階若使秦樓美人見
還應一為拔金釵

自水口入茶山

躋躋紅裙好女兒相偎相倚看人時使君馬上應含笑
橫把金鞭為詠詩

重遊天台

南國天台山水奇石橋危險古來知龍潭直下一百丈

誰見生公獨坐一作過時

山行

小田微雨稻苗香田畔清溪滴滴涼自憶東吳榜舟日

蓼花溝水半篙強

上元日寄湖杭二從事

戀別山燈憶水燈
山光水燭百千層
謝公留賞山公喚
知入笙歌阿那朋

寒食野望

一作遠望

舊墳新隴哭多時
流世都堪幾度悲
烏鳥一作鶲悲鳥鳥
未遠野風吹散白棠梨

清明日題一公禪室

山頭蘭若石楠春
山下清明煙火新
此日何窮禮禪客

歸心誰是戀禪人

七夕寄張氏兄弟

新秋牛女會佳期紅粉筵開玉饌時好與檀郎寄一作記

花朵莫教清曉羨蛛絲

春晚與諸同舍出城迎座主侍郎

一作鄭
顥詩

三十驛驅一闕塵來時不鎖杏園春東風柳絮輕如雪
應有偷遊曲水人

張郎中宅戲贈二首

薄雪燕翁紫燕釵
釵垂簾簌抱香懷
一聲歌罷劉郎醉
脫取明金壓繡鞋

謝家青妓遠重關
誰省春風見玉顏
聞道綵鸞三十六
一雙雙對碧池蓮

醉送一作吟

江梅冷豔酒清光急
拍繁絃醉畫堂
無限柳條多少雪
一將春恨付劉郎

曉井

桐陰覆井月斜明百尺寒泉古甃清越女攜瓶下金索

曉天初放轆轤聲

南池

小男供餌婦搓絲溢榼香醪倒接離日出兩竿魚正食

一家歡笑在南池

偶作

一杯正發吟哦興兩盞還生去住愁何似全家上船去
酒旗多處即淹留

畫鼓

嘗聞畫鼓動歡情及送離人恨鼓聲兩杖一揮行繩解
暮天空使別魂驚

燕翁花

十二街中何限草燕翁盡欲占殘春黃花撲地無窮極
愁殺江南去住人

邵博士溪亭

野茶無限春風葉溪水千重返照波只去長橋三十里

誰人一解枉帆過

小石上見亡友題處

筍石清琤入紫煙
陸雲題處是前年
苔侵雨打依稀在
惆悵涼風樹樹蟬

洞靈觀流泉

石上苔蕪水上煙
潺湲聲在觀門前
千巖萬壑分流去
更引飛花入洞天

送李判官

津市停橈送別難熒熒蠟炬照更闌東風萬疊吹江月

誰伴袁襄宿夜灘

宿杭州虛白堂

月斜明虛白堂寒蛩唧唧樹蒼蒼江風徹曉一

不得成一作睡二十五聲秋點長

御定全唐詩卷五百九十



總校官庶吉士臣張能照
校對官檢討臣郭寅

謄錄監生臣馬嗣全